

沈乃文 主編

明別集叢刊 第一輯

第五十三冊

黃山書社




沈乃文 主編

明別集叢刊 第一輯

第五十三冊

黃山書社



(明)徐溥撰

徐文靖公謙齋文錄四卷

明徐垚刻徐啓釗徐紹淹重修本

徐文靖公謙齋文錄

管徐文靖公為相希周嘗授官翰林叨與門下士之末得受教焉嘗見公論文大抵貴蒼老而醇雅且病夫艱深刻削以為奇者於是退而嘆曰善乎公之誨人也何其正大而平易乎既而

見公之制作則皆蒼老醇雅而力去艱深刻削之病如所論者焉當嘗雖未獲多見然嘗聞一嚮其味固可饒矣公既卒三十季其子中書舍人弘弼臨其孫太學生文烟始輯其所為謙齋集綴梓以傳而屬希

周為序乃得而盡讀之則凡連篇累帙皆如管所見者且其蒼老而辭語謹嚴醇雅而議論超邁不事雕琢意味雋永所為臺閣之文氣象固如是也及其出諸餘以為詩歌則又有清潤和平之音焉茲其所以鳴

謙齋文錄

國家之盛者乎昔劉夢得嘗言文章興時高下蓋關乎氣運然也公自景泰甲戌以進士及第入翰林成化中授禮部侍郎至孝宗朝遂登相位歷官四十餘年當

治之世其為文章也信
其崇而俱盛矣然有德者必
言謂非本乎德不可也公為
人篤于孝友居喪廬墓瑞感
鴻雁人以張曲江置義田以贍
宗族人以范文正其為相休
有容一省賢才必竭力引薦

龍圖文錄

宋言嘉漢日贊襄

聖治而天下之人咸被其澤是
非有德者乎未其言之為容而
醇雅者固知其為有德之言矣
希固淺陋無似奚足以窺公之
突奧碩愛知予公其序有不得
辭者遂略書之而竊以誌之

間為幸云

賜進士及第賓善大夫南京吏
部尚書致仕前翰林院侍讀學

士

經筵講官兼脩

國史門生朱希周謹書

龍圖文錄



徐文靖公文錄

一卷

廷試策一道

奏草

題為救荒事

奏為乞 恩祭葬事

奏為辭免陞用事二本

奏為辭免加陞事

題為 誥勅事

奏為乞 恩休致事二本

雜齋文錄

卷二

目

奏為請 命保守義田事

題為餐下揭帖復職事

奏為乞 恩罷歸以弭災異事

奏為乞 恩休致事三本

奏為謝 恩事

奉 命撰三清樂章奏

奏為視朝事

奏為纂脩事

奏為考選庶吉士事

詩

五言律

題尚朴翁卷

菊莊為蔣翁題

終慕為王廷瑞題

風木卷為侍御父題

歸樂堂

贈華陽孫處士

五言排律

桃花衆禽為林教諭題

村菴為張原哲題

雜齋文錄

卷二

題湖山遊樂卷

送錫山高貢士

送石繼賢還江陰

送魯揮使還雲南

送張憲副之浙二首

送王判官之廣平

送顏性之依親南還

送謝伯儀守開州

送航上人歸宜興

送龍伯溫還金陵

送嚴宗源提督學政

送朱維吉還江陰

五言絕句

送張行人次韻

送唐醫官還苕溪

送黎知州還任

送張用允通判建昌

送鄒別駕之鳳陽

送尹正言南歸

送僧歸杭州

藝齋文集

卷一

送蕭生還宜興

送蔣生還宜興

送琛上人歸宜興

五言古風

題買臣負薪圖

子陵釣魚圖

澹樂軒爲孫都閫題

一愚卷

題胡方伯雙玉圖

新淦蕭氏恒德堂

南軒聽琴

贈陰陽訓術吳璉

百牛圖

愚齋卷爲傅編脩乃尊題

題九城二蘇墓爲眉山吳方伯重修賦

七言絕句

奉制文武詩十四首

內閣一首

經筵

公侯

藝齋文集

威里

秋日朝罷二首

題扇景

枯木竹石爲吳昉題

題竹

題畫四景

題顧永昇畫

題洪子經馬

題畫石

交爲司馬恂如題二首

松竹圖

題梅花

題鴿鴦圖

題梅贈潘栗夫僉事

題扇

題牡丹

茅亭撫琴圖

題覽

寄肉惟詹乃翁

謙齋文錄

題夏太常滿林風雨圖二首

題雪景

題望雲思親圖

題紅梅

題東坡竹

七言律

雪坡爲李侍郎題

思親堂爲王子興題

五榮堂爲張進士題

梅堂爲劉大尹題

雲山歸隱爲彭僉憲題

竹梧書舍爲蔣仲學題

瀟湖書屋爲王士瞻題

梅月軒

春熙樓

松軒爲任廷芝題

耕樂

藥圃餘香

東皋草堂爲王景昇題

賀王廷貴先生陞侍講

謙齋文錄

題吳尚書忠烈卷

石澗書屋

賦內閣二瓷缸

次同寅劉少師韻二首

疊芍藥永荷

詔許歸省

虎丘寺

留別虎丘簡上人

內閣芍藥二首

壽鄉親將竹隱

壽胡方伯

壽陸王政母

壽錢學士外舅莊生

壽溧陽楊竹泉

送九江郡判鄭廷韶

送李學士南歸次韻三首

送平陽章自鑒授福寧司訓

送吳甥儼養病南歸

送仲弟南歸率兒輩舉義田

送沈時賜之任

送尹正言父還太和

送齊經歷還嘉禾

送牟都憲改食事

送莊進士養病歸金陵

送毛璿省兄南還

送徐士亨歸江陰

送夏都運之揚州

送丁述檢赴任順昌

送高年兄侍郎督戎政西川

送崔元吉

送鄒廷佩知高安

送李至德侍御

送孔宗魯還鄧

送年兄趙廷縉

送錫山邵二尹還任

送張中翰使朝鮮

送劉君傳南還

送周廷瑜

送民望少叅

送重慶聶震指揮

送陳永明歸邑

送濮用明教諭

送周充佐赴南京

送王維臣歸省

送江東之歸省

送彭彥實兄歸安成

送危教諭之桐鄉

送張員外父南還

送王民望使占城

送李少卿還南京

送和二尹還任宜興

送徐上舍南歸

送楊司諫之南京

送蔣日章考最入廣信

輓詩

輓劉賢官

輓李翰林

輓同年方進士

輓同年趙克周乃祖

輓竹溪章處士

蘇東坡

卷一

輓萬尚書祺

續刻

訓長孫文煥一律

徐文靖公謙齋文錄卷第一

廷試策一道

曾孫男莊重刊

臣對臣聞聖人之治本於道聖人之道本於心

蓋心者萬化之原萬事之本也堯舜以是心而

帝天下三王以是心而王天下惟其道本於心

故聖人之道備惟其治本於道故聖人之治格

故凡欲求聖人之治者不可不求其道欲求聖

人之道者不可不求其心董仲舒所謂正心以

正朝廷正朝廷以正百官正百官以正萬民正

萬民以正四方即此意也欽惟

皇帝陛下

卷一

聰明睿智足以有臨聖神文武自強不息

紹

祖德而讓膺

天命應人心而中興邦家勤勵以親萬幾惇慎以弘

萬化

純孝之德播聞於宇宙之間仁厚之澤漸被於覆

幬之下然猶慮負荷之艱而欲究弛張之善乃

進臣等于

廷降賜

清問臣有以知

陛下是心即堯舜于衆好察通言之心湯文用人
惟已望道未見之盛心也其復隆古之至治而
開萬世之太平端在於此顧臣愚昧何足以奉
天對然敢不精白一心以對揚

陛下之明命乎請因

聖問所及而條陳之竊以家者一國之所視效國者
天下之所取法而兵民又所以衛民生而固邦
本者也

陛下於齊家治國之道練兵安民之方皆已行之有
其效矣茲猶欲聞至計何先切望何最臣願

陛下正心以爲家國兵民之本而祖述於唐虞三代
之迹正倫理篤恩義如堯之親睦九族道以德
齊以禮如堯之平章百姓則九族既睦百姓昭
明而家可齊國可治矣脩車馬備器械而時其
簡教如成周之治兵大閱有定制制田里薄賦
斂以給其衣食如成周之分田制賦有常法則
兵農相資守養相益而用可利生可厚矣若夫
安上治民莫善於禮移風易俗莫善於樂而教
化又所以復民性而正民德者也

陛下於制禮作樂之方敷教弘化之道皆已行之有

其驗矣茲猶欲聞損益所宜隆替所係臣願

陛下正心以爲禮樂教化之原而憲章於唐虞三代
之制典禮者如伯夷之夙夜惟寅直哉惟清典
樂者如后夔之八音克諧無相奪倫則損益適
中而禮備樂和矣俾典庸禮敬敷五教如唐虞
之教民者以教其民弘敷五典式和民則如成
周之化民者以化其民則教化興行而有隆無
替矣治者亂所倚也雖當治定功成之日苟或
頃刻敬畏之不存則亂亡由是而至必如書之
予臨兆民凜乎若朽索之馭六馬然後未亂之

治可制臣願

陛下心唐虞三代制治之心兢兢焉戒勅天命而無
時少怠無微少忽則

皇圖可保如磐石之固矣安者危所伏也雖當民康
物阜之時苟或毫髮幾微之不察則危殆由此
而生必如周之文王民已安矣而視之猶若有
傷然後未危之邦可保臣願

陛下心唐虞三代保邦之心業業焉儆戒無虞而罔
遊于逸罔淫于樂則

宗社可保如泰山之安矣書曰平康正直強弗友剛

克變友柔克沉潛剛克高明柔克詩曰不剛不柔敷政優優聖人撫世醜物因時制宜之良法也

陛下誠如詩書所稱寬猛相制剛柔相濟則陽以舒之陰以斂之執其兩端而能用其中於民矣書曰五百里綏服三百里揆文教二百里奮武衛文以治內武以治外詩曰薄伐玁狁城彼朔方聖人安夏攘夷慎固邊疆之要道也

陛下誠如詩書所載內脩文德外嚴武備使頓兵以守務耕以食高城堅壘而能却其侮於外美君

無誓之錄

四

子用則進其國於昌明小人用則降其國於幽暗人才賢否之由誠不可不知也

陛下屢詔中外進賢退不肖矣茲猶欲聞賢否之內臣願

陛下正心以爲舉錯之公賢者必進而小肖者必退如孔子所謂舉直錯諸枉則奔競之途塞九德咸寧野無遺賢矣賞必施於君子而後民勸刑必加於小人而後民威刑賞緩急之可誠不可不審也

陛下申勅諸司嚴罰賞刑罰矣茲猶欲聞緩急之宜

臣願

陛下正心以爲勸懲之本有罪者必刑有德者必賞如虞書所謂黜幽而陟明則僥倖之心沮百工惟時庶績咸熙矣人事有得失而災祥不能無徵應也

陛下誠省身脩德敬天勤民於上羣臣咸盡忠竭力奉法脩職於下則雨暘順而百穀登禍亂銷而千災殄矣時政有治忽夷狄不能無覲伺也

陛下誠賤貨貴德愛民好士爲之本諸侯咸摠誠宣威練兵鼓勇爲之用則信義立而強梗化夷狄

無誓之錄

五

實而變戎服矣凡此數者何莫而非本於

陛下下一心之運用乎夫心固爲致治之本而古又爲致治之法傳說所謂事不師古以克永世匪說攸聞孟子所謂爲高必因丘陵爲下必因川澤爲政必因先王之道是也若使徒稽諸古而不以施於事則爲徒善不足以為政徒泥諸古而不宜於今則爲徒法不能以自行故必益之損之與時宜之如中庸所謂時措之宜乃可也陛下之策臣既畧陳之矣臣於終篇竊有獻焉臣惟天地之所以能成歲功者以其常運之不

已也帝王之所以能成治功者以其常德之不
衰也

陛下德配天地明同日月誠又存持久之心秉有常
之德則何所往而不宜哉書曰常厥德保厥位
將見四三王而六五帝參天地而贊化育曆數
衍億萬斯年之久聲名施中國蠻貊之遙皆在
於此尚何負荷之艱之足慮哉臣荷蒙
教育之恩來應賓興之詔學不足以傳古識不足
以通今誤辱

九重之清問獻以一得之愚思干冒

謹齋文錄 卷一
天聰不勝怖懼臣謹對

奏章

謹題為救荒事成化二十年九月初八日節該奏

欽依着臣前往山西地方致祭

西海等神為民祈福臣仰惟

皇上之心視民惟恐有傷保民真如赤子之盛心也

斯世斯民何其幸歟臣奉

命惟謹於本月十九日起程二十八日到於山西
布政司行仰本司委官督屬將銀兩鈔貫轉行該
府州縣照依時價兩平收買品物備祭隨擇本年

十月初十等日如儀沐浴齋戒躬率各該衙門官
員人等陸續致祭

中鎮霍山之神

西海之神

河濱之神祭畢仍行本布政司將給領收買過銀
鈔品物數目徑自

奏繳外臣自入山西太原府及抵蒲州盡其境界

看得山西地方旱災于前霜傷于後太原一府汾
州一州并所屬州縣今年秋成約有三四分熟此
處人民今冬可過來春乏食平陽府迤北并潞遼

謹齋文錄 卷一

七

沁三州所屬州縣今年秋成約有二三分熟此處

人民冬初可過冬深乏食至如平陽府迤南所屬

蒲解等州臨晉等縣及澤州所屬沁水等縣秋成

全無即目人民已是採野萊剝皮度日扶老携

幼適於原野而流連顛連塞於道路已嗷嗷待哺

矣今冬加以寒凍所迫不知何以存活况聞山西

地方連年薄收倉庫多空官司雖欲賑濟而莫知

措手又兼邊事方殷饋餉惟急人民愈覺驚惶誠

恐流移日衆嘯聚山林意外之虞又不能保其必

無也洪惟

皇上一德動天百神感格化災為祥行有日矣但此等民情皆臣目擊耳聞不敢隱默緣奉

欽依救荒祭祀事理為此具本親齋謹具題

知

謹奏為乞

恩祭葬事臣原籍直隸常州府宜興縣人由進士

除授翰林院編脩天順元年恭遇

皇上毓德青宮

先帝命臣兼司經局校書日侍講讀天順八年恭遇

皇上嗣登大寶

謹奏為乞

欽陞左春坊左庶子兼翰林院侍講充

經筵講官歷陞禮部左侍郎

欽依照舊

經筵講書成化十九年九月三年考滿

欽蒙兼翰林院學士給賜

誥命臣妻李氏亦蒙

進封三品淑人舉家仰戴

聖恩昊天罔極雖粉骨碎身不能補報於萬一也

成化二十年八月臣妻李氏臣書舍人徐元

悅回還原籍畢燭成化二十一年六月十四日

幸在家病故臣竊念立

朝三十餘年夙夜在公未嘗得置一丘隴今妻喪

於數千里之外子皆幼弱不能經理臣備員部佐

又不敢以私情陳乞歸葬伏望

皇上念臣侍從多年曾効犬馬微勞

賜臣妻李氏祭葬臣舉家存歿不勝感戴

天恩之至為此具本親齋謹具奏

聞伏候

敕音

謹奏為乞

恩辭免陞用事成化二十三年十月二十九日吏

部節該奉

欽依其官云云欽此欽遵臣聞

命戰兢捫心惶懼謹具本辭免者叨惟

內閣乃

朝廷宥密之地內相寔

國家輔弼之臣固惟贊萬事之極尤酒極一時之

選伏念臣學術荒疎才能謏薄偶與計偕遂登仕

籍荷

先帝之眷遇叨侍從之有

經惟愧乏論思之益儀曹選部徒懷鰥曠之憂况
當

陛下

聖政惟新之始勵精圖治之時方求引退之未遑
豈意超遷之遽及雖遺簪舊物曲賜

甄收顧驚馬疲力實難驅策如蒙伏望

聖慈俯矜愚憫亟寢

新命俾守舊官庶得安於常分以免罪愆臣不勝
激切俟

命之至為此具本親齋謹具奏

謹奏為乞

聞伏候

敕旨

謹奏為乞

恩辭免陞職事成化二十三年十一月二十日吏

部節該欽奉

敕侍郎徐某陞禮部尚書兼文淵閣大學士欽此

欽遵臣聞

命驚惶省躬戰悚伏以學士乃論思之職而居內
署者最為清近尚書實股肱之臣而得兼職者尤
為寵榮苟非其人曷稱斯任竊念臣性質愚樸

銜空疎本一介之寒微荷

三朝之眷遇位祿既厚常懷曠職之憂年力向衰
徒有報

君之志茲者伏遇

大明既照

聖政惟新臣以菲才宜居攢列而乃首蒙

簡拔俾預政機顧辭讓之庸獲參負荷之政當豈
期曾未踰月之久復叨進秩之榮雖

天地大德務極其包荒而犬馬微誠不勝其懇切如

蒙伏望

聖慈俯矜愚憫亟寢

新命容臣照舊供職庶竭駑鈍少答

恩私臣無任激切懇訴之至為此具本親齋謹具

奏

聞伏候

敕旨

謹奏為乞

恩辭免加陞事近因纂脩

憲宗純皇帝實錄成書謹已

進呈伏望

聖